

北京圖書館 編

北京圖書館藏珍本
年譜叢刊

第 160 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 160 冊

第一六〇冊目錄

左文襄公年譜卷九至卷十	一
涂大司馬年譜	一四七
仲驤自叙	二四三
謝家山人自訂年譜	四〇一
十年讀書之廬主人自叙年譜	四五一
椒生府君年譜	四九五

左文襄公年譜卷九

光緒四年戊寅公六十七歲

正月疏言新疆改設行省事關西北全局請

下廷臣及各省督撫會議

上仍命公詳議以聞

書牘卷二十是年與陳俊臣書云新疆十餘年淪於異域弟以衰朽之年謬肩艱鉅詢糧

轉饋不但視內地艱阻百倍卽上下數十年有事西征罕見其比痛定思痛誠不料浮圖百尺終有合尖之日也見擬置省設郡縣事屬刼始頭緒紛繁地界疆鄰一切布置諸宜詳慎又與王孝鳳書云新疆置省批答仍由此間具奏始事維艱局外異議必多新疆腴區非得此不能駐軍設防以嘉峪關抵哈密巴里坤荒瘠寒苦專恃內地采運費十石不能致一石屯兵日久勢必自潰漠南北將無安枕之日而宸居肩背已塞弟所以屢疏力陳不計成敗利鈍以全力赴之者豈得已哉閣下畱心國故當知所言非妄矣又答朱茗生書云西域改郡縣疏請內外集議非僅慮執咎之難異時議

其後者足害其成也北路經逆回及安集延蹂躪甚費整理南入城因安酋視爲屬境尙復完好如初此次大軍所至秋

純廟拓邊節

餉遺意而益見停軍不進之非策也謨謀諸公力贊密勿而後疆圻不復堅持異論得以了此句當然每念後此時易勢遷又不知何如矣蓋處數十百年後論數十百年以前事處數千百里外論數千百里內事其不能有當本在意中而邊塞任事之人能見諒於後世未必盡見許於當時改弦更張恐不復成

音叶響耳

劉錦棠既定喀什噶爾以次巡歷葉爾羌和闐各

城夷番流寓者英吉利乳目國阿刺伯凡十餘人印度溫都

斯坦各國凡五千餘人咸震懾軍威無敢動

書牘卷二十是年復總理衙門

書云屢接各將領信均言軍威之壯西域種人實爲震懾甚且謂其能飛向之以槍礮隊稱雄者皆嗒然若喪蓋不明練心練膽之術而但侈器之精技之長陳之整固有時而窮矣此次天威震盪足令西域聞風膽落惟威宜養而氣不可屢洩連聲之雷不震食鼠之貓不威亦所宜鑒按西國近事彙編西歷一千八百七十八年五月西報云歐人畱意俄

土相戰而因東顧亞細亞之事喀什噶爾爲中國克復則彼處確爲中國之一隅中國於亞洲卽爲有權前回人踞雲南大理中國克復之今又恢復回疆殺東干回幾盡當初陝甘總督左欽帥募兵於關外屯田外國人方竊笑其迂迺今觀之左欽帥急先軍食謀定而往老成持重之略決非西人能料一千八百七十六年兵克烏魯木齊分略諸地部署定然後整軍進征疆勁之虜阿古柏帶領大隊兵馬迎敵離喀城二千七百之遙孤火宵鳴鼓角曉震有氣吞天南之概迺中途隕命後人爭位自亂不復禦侮漢兵自吐魯番庫車進阿克蘇勢如破竹迎刃而解其部伍嚴整運籌不苟如俄人攻基法一般似此行陳足見總統金順之大才其兵亦耐勞苦志堅力果計二十日中經過一千二百里荒野沙漠而得三城一大捷由是葉爾羌和闐各城先後克復一千八百七十七年兵在喀什噶爾過冬中國至喀什噶爾一律肅清可謂神矣其克喀喇沙拉也兵以寡勝其克喀什噶爾也兵以合圍勝使歐人當此其軍律亦不過此平時歐洲人輕料中國謂中國人不能用兵今觀中國之恢復回部更勝於克復雲南大理足令吾歐人一清醒也當時西人之論如此惟編中稱總統金順迺資遣英乳阿刺伯人還國其印度各國人蓋以道遠致譌

願畱者聽其安居故處仍置各城阿奇木伯克什罕伯克等
回官如舊制其不受法度虐役纏回者公輒隨時劾罷回民
愈益悅服先是西四城卡倫外布魯特十九部落錯居其喀
城西北五部落先圉俄羅斯餘十四部落圉安集延至是十
四部落頭目爭求內圉公許其請而以喀城介蔥嶺支榦之
中安集延布魯特部居西偏必踰山迺達喀城爲中外天然
界畫迺議南自英吉沙爾北至布魯特界按卡倫故址改築
邊牆擇要隘置碉堡初俄人議交還伊犁駐京公使數以邊
境商民交涉各案未結爲詞公皆爲平情定讞以報時俄人
處白彥虎阿爾瑪圖劉錦棠書與俄圖爾齊斯坦總督欲提

兵入境勦捕公曰俄於歸伊犁從無異辭卽以兵臨之勢必決裂而白彥虎聞風徙避更在意中迺請

敕總理衙門與俄使按條約索取復飭金順迺書俄邊官以還伊犁交叛逆兩事併議而許以重犒久之不報已俄人徙白彥虎於托呼瑪克又聲言將逼精河安設卡倫前敵諸軍將皆憤請用兵搜索公以爲俄雖示形作勢未必卽有狡然思啟之心惟貪踞伊犁與庇匿叛逆以要求厚犒而又不肯顯露其意此時兵威已盛欲戰卽戰何所顧忌惟東北西北均與接界兵事將無了期尙宜遜以出之不可衅自我開令彼得有藉口迺飭南北各軍戒嚴而與劉錦棠書曰彼張虛聲我

務實事待其動而後圖之疆場之事一彼一此不可稍存成見致滯戎機何可輕啟衅端致撓成算漢文帝與單于書所謂漢過不先匈奴而邊境又安曹孟德意思安閒如不欲戰而每戰輒利似於今爲宜未幾英噉布噶爾部人奪踞俄邊達爾瓦斯哈拉替艮兩城俄調邊兵與戰諸將復謂機有可乘公復飭之曰俄英構隙已久俄恃其國大英恃其兵彊各不相下我且綢繆牖戶靜觀其敝不以彼之彊弱爲意而日夜思所以自彊亦不以彼之言我彊我弱爲意也非惟此時待俄英之道宜然古今有道之世其交鄰也亦必如此昌黎韓子擬越裳操謂我何意於彼爲蓋得聖人之心者四月劉

典以疾乞歸奏起前浙江巡撫楊昌濬幫辦甘肅新疆善後事宜

許之是時新疆善後諸務畢舉以次裁併征營改防營行餉爲坐

餉

書牘卷二十是年與劉克庵書云新疆肅清關內防營自應裁減坐糧惟遇有出征之事臨時仍照行糧章程發餉

歸伍日止似情順理當可無異言南疆皆腴地見需善後撫卹之費將來設郡縣所費亦可節省所應預籌者內地營額須漸漸補實總在舊額三分之二庶撤勇免致茫然苦缺州縣須定津貼免其剝民監司道府須定津貼免其蠹國此節流之說也以言開源之策則新疆銀錢之制稅釐之章茶市之利加以經理正賦外可增數十萬之入內地則祇百貨之釐牲畜之稅尙可逐漸經理得人任使數年後卽承平經費協餉舊額可期漸減但弟衰邁日甚不能委託以俟耳

尤鉅復請息借商銀三百五十萬兩白彥虎居托呼瑪克益窮蹙八月喉其黨金山馬良會等假貿易取俄官路票分起

繞俄卡行十三日犯烏什邊前隊驟入阿克蘇西北柯爾品
一日掠數臺站劉錦棠先以軍東扼瑪喇爾巴什各隘而遣
羅長祐率數百騎疾出喀城邊境要其歸路九月甲寅羅長
祐至阿爾圖什偵寇已過索封口一日夜兼行四百里至冲
設罕及之設伏擒金山捕其黨二百餘人悉斬之其至烏什
阿依他溝者亦爲張曜軍所殲甫定而阿克蘇西南二百里
尹阿瓦堤回民托胡達買提倡眾數百人戕稅局員弁張曜
遣武朝聘率所領馳勦擒其酋追至渾巴什眾悉破散同時
前竄俄境夷酋阿里達什復由俄境窩什乞假潛出率其黨
百餘人竄至英吉沙爾卡倫外奈曼糾布魯特頭目阿布都

勒哈瑪煽種人謀襲喀什噶爾十月辛卯越玉都巴什卡倫入烏帕爾擁立迭拉什罕爲條勒條勒者回部所稱教祖之裔也劉錦棠聞警卽夜率譚慎典楊金龍等馬軍千人先進羅長祐侯名貴等步軍繼之而令張俊出英吉沙爾卡倫扼達什密克里壬辰馬步軍至烏帕爾寇衆八百人返走玉都巴什列陳相拒官軍譟呼乘之殺三百餘人阿布都勒哈瑪逾山遁阿里達什率殘衆走還奈曼則劉錦棠已檄回目庫彌什率部衆四百人以待乙亥阿里達什竄至突起擒斬之悉殲斃其衆於時已

命吏部侍郎崇厚爲全權大臣使俄公奏言俄國邊官於新疆交

涉各案屢持異議爲緩還伊犁緩交叛逆之計此次藉貿易給白彥虎等路票入邊爲寇又任阿里達什告假潛出煽惑回民同襲喀什噶爾揆諸友邦睦誼應否如斯見在中國叛逆遁匿俄國者尙多似此紛紛竄擾防不勝防守邊將士將無解甲晏眠之日積忿久而心不甘臣實有難於禁約者應請

旨敕總理衙門照會駐京俄使知照備案可否請

旨敕下欽差全權大臣吏部侍郎崇厚一併入議之處并候聖裁

上因密詢公新疆善後方略公謹條具以對曰竊臣於十月十三

日承准軍機大臣密寄光緒四年九月三十日欽奉

上諭一道跪聆之餘敬悉

皇太后

皇上保大定功慎終如始審時度勢策及萬全至意敢不畢獻其

愚仰俟

聖明采酌伏讀

諭旨伊犁在昔爲西路第一重鎮今爲俄人佔據形勢變遷交還以後如何防守尤應先事圖維伊犁九城縱橫相聯大城西南北三面舊有卡倫距俄境若干道路俄軍紮至何處金順見駐庫爾喀喇烏蘇前隊西至何處臣謹按俄人自佔據伊犁於西面舊有

拱宸瞻德廣仁塔勒奇四城均棄而弗守傾圯殆盡綏定一城近雜置陝回距伊犁三十里伊犁大城人煙甚少俄兵及商戶均萃居東面惠甯熙春甯遠三城而金頂寺煙戶尤多伊犁管事俄官名馬依爾品秩不過中國同知通判之類主伊犁之事者七河巡撫名喀爾帕科斯克依所駐阿爾瑪圖地屬俄境在伊犁西八百餘里其兼轄之官爲圖爾齊斯坦總督名克復滿自稱代國大臣駐浩罕故都塔什干城距我喀什噶爾不過數十程由喀什噶爾至俄邊納林河中隔俄屬布魯特部喀城馬行六日可至從前伊犁本不與俄境相連以哈薩克布魯特種人與浩罕所部安集延及布噶爾所

屬爲之隔闕近年俄人先後脅誘哈薩克布魯特種人又攻奪浩罕三部據其都城而浩罕屬安集延亦隨風而靡故我北路伊犁南路喀什噶爾邊境皆與俄屬相接距俄亦近也臣前疏所稱地不可棄者竊以腴地不可捐以資寇糧要地不可借以長敵勢非乘此兵威迅速圖之彼得志曰驕將愈進愈偏而我饋運艱阻勢將自絀無地堪立軍府所憂不僅西北也伊犁收還以後應於邊境擇要築壘開濠安設大小礮位挑勁兵以增其險至伊犁大城西北之塔勒奇廣仁瞻德拱宸各城戶口鮮存水草卻便應各擇要隘暫駐各營分屯其間所有旂綠各營贖存兵丁各給牛種牲畜督令游牧

耕墾舊有城堡緩議修復尙非不可大城以東惠甯熙春甯遠各城民戶商戶願遷徙者遷徙願歸業者歸業邊圉旣奠人安其土耕其野而出其途者不待招徠迥非甘肅從前東路西路數百千里蒿萊滿望杳無人煙難於措置可比若烏魯木齊所屬各城相距甚遠難於照料此伊犁收還以後情形也伊犁未還之前金順大軍駐庫爾喀喇烏蘇其西精河地方勢處要隘向駐馬隊以資扼截自福珠哩歸後金順未及派紮填防致被漢回侵掠金順旋派馬隊二百前往填防當可無虞由精河西行一日爲永濟湖再西數十里卽伊犁俄官所設之頭卡三日卽抵伊犁中間山徑五道可達伊犁